



周禮白

秋
考工

服部文庫
117
179
3



117
179
3

周禮白文目錄

秋官

大司寇 小司寇 士師 鄉士 遂士

縣士 方士 訝士 朝士 司民

司刑 司刺 司約 司盟 職金

司厲 大人 司圜 掌囚 掌戮

司隸 罪隸 蠻隸 閩隸 夷隸

貉隸 布憲 禁殺戮 禁暴氏

野廬氏 蜡氏 雍氏 萍氏 司寤氏

司禮

百四十一

司烜氏 條狼氏 脩閭氏 寘氏
 裘氏 兕氏 翼氏 柝氏 薤氏
 蒼蒺氏 翦氏 赤友氏 蠲氏
 壺涿氏 庭氏 銜枚氏 伊耆氏
 大行人 小行人 司儀 行夫 環人
 象胥 掌客 掌訝 掌交 掌察
 掌貨賄 朝大夫 都則 都士 家士



秋官 司寇

惟王建國辨方正位體國經野設官分職
 以為民極乃立秋官司寇使帥其屬而掌
 邦禁以佐王刑邦國
 大司寇之職掌建邦之三典以佐王刑邦
 國詰四方一曰刑新國用輕典二曰刑平
 國用中典三曰刑亂國用重典以五刑糾

周禮

百四十九

萬民一曰野刑上功糾力二曰軍刑上命
糾守三日鄉刑上德糾孝四曰官刑上能
糾職五日國刑上愿糾暴以圜土聚教罷
民凡害人者寘之闔土而施職事焉以明
刑耻之其能改者及于中國不齒三年其
不能改而出圜土者殺以兩造禁民訟入
束矢於朝然後聽之以兩劑禁民獄入鈞
金三日乃致於朝然後聽之

以嘉右平罷民凡萬民之有罪過而未麗
於法而害於外里者桎梏而坐諸嘉右役
諸司空重罪旬有三日坐暮役其次九日
坐九月役其次七日坐七月役其次五日
坐五月役其次三日坐三月役使列里
任之則宥而舍之以肺石達窮民凡遠近
惇獨老幼之欲有復于上而其長弗達者
立於肺石三日士聽其辭以告于上而罪

其長
正月之吉始和布利于邦國都鄙乃縣刑
象之法于象魏使萬民觀刑象挾日而歛
之凡邦之大盟約涖其盟書而登之于天
府大史內史司會及六官皆受其貳而藏
之凡諸侯之獄訟以邦典定之凡卿大夫
之獄訟以邦法斷之凡庶民之獄訟以邦
成弊之

大祭祀奉大牲若禋祀五帝則戒之日涖
誓百官戒于百族及納亨前王祭之日亦
如之奉其明水火凡朝覲會同前王大喪
亦如之大軍旅涖戮于社凡邦之大事使
其屬蹕
小司寇之職掌外朝之政以致萬民而詢
焉一曰詢國危二曰詢國遷三曰詢立君
其位王南鄉三公及列長百姓北面羣臣

西向羣吏東面小司寇擯以叙進而問焉
以衆輔志而弊謀以五刑聽萬民之獄訟
附于刑用情訊之至于旬乃弊之讀書則
用法凡命夫命婦不躬坐獄訟凡王之同
族有罪不即而
以五聲聽獄訟求民情一曰辨聽二曰
聽三日氣聽四曰耳聽五曰目聽以八辟
麗邦法附刑罰一曰議親之辟二曰議故

之辟三曰議賢之辟四曰議能之辟五曰
議功之辟六曰議貴之辟七曰議勤之辟
八曰議宥之辟以三刺斷庶民獄訟
一曰訊羣臣二曰訊羣吏三曰訊萬民聽
民之所刺宥以施上服下服之刑
及大比登民數自生齒以上登于天府內
史司會冢宰貳之以制國用小祭祀奉太
牲凡禋祀五帝寶鑊水納亨亦如之大賓

客前王而辟后世子之喪亦如之小師位
戮九國之大事使其屬蹕孟冬祀司民獻
民數於王王拜受之以圖國用而進退之
歲終則令羣士計獄弊訟登中于天府正
歲帥其屬而觀刑象令以木鐸曰不用法
者國有常刑令羣士乃宣布于四方憲刑
禁乃命其屬入會乃致事
士師之職掌國之五禁之法以充右刑罰

一曰宮禁二曰官禁三曰國禁四曰野禁
五曰軍禁皆以木鐸徇之于朝書而縣于
門閭以五戒先後刑罰毋使罪麗于民一
曰誓用之于軍旅二曰誥用之于會同三
曰禁用諸田役四曰糾用諸國中五曰憲
用諸都鄙
掌鄉合外黨族間比之聯與其民人之什
伍使之相安相受以此追齊之事以施刑

罰慶賞掌宮中之政令察獄訟之辭以詔
 司寇斷獄弊訟致邦令
 掌士之八成一曰邦約二曰邦賊三曰邦
 謀四曰犯邦令五曰擄邦令六曰為邦盜
 七曰為邦朋八曰為邦譎
 若國凶荒則以荒辨之法治之令移民通
 財糾守緩刑凡以財獄訟者正之以傳別
 約劑若祭勝國之社稷則為之尸王燕出

入則前驅而辟祀五帝則沃尸及王盥
 饋水凡刳珥則奉犬牲諸侯為賓則帥其
 屬而蹕于王宮大喪亦如之大師帥其屬
 而禁逆軍旅者與犯師禁者而戮之歲終
 則令正要會正歲帥其屬而憲禁令于國
 及郊野
 鄉士掌國中各掌其鄉之民數而糾戒之
 聽其獄訟察其辭辨其獄訟異其死刑之

罪而要之旬而職聽于朝司寇聽之斷其獄弊其訟于朝羣士司刑皆在各屬其法以議獄訟獄訟成士師受中協日刑殺肆之三日若欲免之則王會其期大祭祀大喪紀大軍旅大賓各則各掌其鄉之禁令帥其屬夾道而蹕三公若有邦事則為之前驅而辟其喪亦如之凡國有大事則戮其犯命者

遂士掌四郊各掌其遂之民數而糾其戒令聽其獄訟察其辭辨其獄訟異其死刑之罪而要之二旬而職聽于朝司寇聽之斷其獄弊其訟于朝羣士司刑皆在各屬其法以議獄訟獄訟成士師受中協日就郊而刑殺各於其遂肆之三日若欲免之則王令三公會其期若邦有大事聚衆庶則各掌其遂之禁令帥其屬而蹕六鄉若

有邦事則為之前驅而辟其喪亦如之凡
郊有大事則戮其犯命者
縣士掌野各掌其縣之民數糾其戒令而
聽其獄訟察其辭辨其獄訟異其死刑之
罪而要之三旬而職聽于朝司寇聽之斷
其獄弊其訟于朝羣士司刑皆在各麗其
法以議獄訟獄訟成士師受中協百刑殺
各就其縣肆之三日若欲免之則王命不

卿會其期若邦有大役聚衆庶則各掌其
縣之禁令若大夫有邦事則為之前驅而
辟其喪亦如之凡野有大事則戮其犯命
者
方士掌都家聽其獄訟之辭辨其死刑之
罪而要之三月而上獄訟于國司寇聽其
成于朝羣士司刑皆在各麗其法以議獄
訟獄訟成士師受中書其刑殺之成與其

聽其獄訟者凡都家之大事聚衆庶則各
掌其方之禁令以時修其縣法若歲終則
省之而誅賞焉凡都家之士所上治則主
之

誅士掌四方之獄訟論罪刑于邦國凡四
方之有治於士者造焉四方有亂獄則殲
而成之邦有賓客則與行人送逆之入於
國則為之前驅而辟野亦如之居館則帥

其屬而為之蹕誅戮暴客者客出入則道
之有治則贊之凡邦之大事聚衆庶則讀
其誓禁

朝士掌建邦外朝之法左九棘孤卿大夫
位焉羣士在其後右九棘公侯伯子男位
焉羣吏在其後面三槐三公位焉列長衆
庶在其後左嘉右平罷民焉右肺右達窮
民焉帥其屬而以鞭呼趨且辟禁慢朝錯

立族談者凡得獲貨賄人民六畜者委于
朝告于士旬而舉之大者公之小者庶民
私之
凡士之治有期曰國中一旬郊二旬野三
旬都三月邦國暮期內之治聽期外不聽
凡有責者有判書以治則聽凡民同貨賄
者令以國法行之犯令者刑罰之凡屬責
者以其地傳而聽其辭凡盜賊軍鄉邑及

家人殺之無罪凡報仇讐者書於士殺之
無罪若邦凶荒札喪寇戎之故則令邦國
都家縣鄙慮刑貶
司民掌登萬民之數自生齒以上皆書於
牒辨其國中與都鄙及其郊野異其男女
歲登下其死生及三年大比以萬民之數
詔司寇司寇及孟冬祀司民之日獻其數
于王王拜受之登于天府內史司會冢宰

貳之以贊王治

司刑掌五刑之法以麗萬民之罪墨罪五百劓罪五百宮罪五百剕罪五百殺罪五百若司寇斷獄弊訟則以五刑之法往詔刑罰而以辨罪之輕重

司刺掌三刺三宥三赦之法以贊司寇聽獄訟壹刺曰訊羣臣再刺曰訊羣吏三刺曰訊萬民壹宥曰不識再宥曰過失三宥

曰遺忘壹赦曰幼弱再赦曰老耄三赦曰慈惠以泚三法者求民情斷民中而施上服下服之罪然後刑殺

司約掌邦國及萬民之約劑治神之約為正治民之約次之治地之約次之治功之約次之治器之約次之治摯之約次之九大約劑書於宗彝小約劑書於丹圖若有訟者則珥而辟藏其不信者服墨刑若大

亂則六官辟藏其不信者殺
司盟掌盟載之法凡邦國有疑會同則掌
其盟約之載及其禮儀北面詔明神既盟
則戴之盟萬民之犯命者詛其不信者亦
如之凡民之有約劑者其戴在司盟有獄
訟則使之盟詛凡盟詛各以其地域之衆
庶共其牲而致焉既盟則為司盟共祈酒
脯

職金掌凡金玉錫石丹青之戒令受其介
征者辨其物之媿惠與其數量揭而璽之
入其金錫于為兵器之府入其玉石丹青
于守藏之府入其要掌受士之金罰貨罰
入于司兵旅于上帝則共其金收饗諸侯
亦如之凡國有大故而用金石則掌其令
司厲掌盜賊之任器貨賄辨其物皆有數
量賈而揭之入于司兵其奴男字入于罪

隸女子入于春彙元有爵者與七十者與
未亂者皆不為奴

大人掌大牲凡祭祀共大牲用牲物伏瘞
亦如之凡幾珥沈辜用駝可也凡相犬羣

犬者屬焉掌其政治
司圜掌收教羅民凡害人者弗使冠飾而

加明刑焉任之以事而收教之能改者上
罪三年而舍中罪二年而舍下罪一年而

梏

舍其不能改而出圜土者殺雖出三年不
遂凡圜土之刑入也不虧體其罰入也不

虧財
掌囚掌守盜賊凡囚者上罪梏桎而桎中

罪桎梏下罪桎王之同族奉有爵者桎以
待弊罪及刑殺告刑于王奉而適朝士加

明梏以適市而刑殺之凡有爵者與王之
同族奉而適甸師氏以待刑殺

周禮

百六十一

此一冊點考其不校
他日可借寫在自是為好

掌戮掌斬殺賊諜而搏之凡殺其親者焚
之殺王親者辜之凡殺入者踏諸市肆之
三日刑盜于市凡罪之麗於法者亦如之
唯王之同族與有爵者殺之於甸師氏凡
軍旅田役斬殺刑戮亦如之墨者使守門
劓者使守關官者使守內刑者使守囹圄
者使守積
司隸掌五隸之法辨其物而掌其政令帥

其民而搏盜賊役國中之辱事為百官積
任器凡囚執人之事邦國有祭祀賓客喪
紀之事則役煩辱之事掌帥四翟之隸使
之皆服其邦之服執其邦之兵守王宮與
野舍之屬禁
罪隸掌役百官有與凡有守者掌使令之
小事凡封國若家牛助為牽獲其守王官
與其屬禁者如蠻隸之事

蠻隸掌役校人養馬其在王官者執其國
之兵以守王官在野外則守屬禁
閩隸掌役畜養鳥而阜蕃教擾之掌字則
取隸焉
夷隸掌役牧人養牛馬與鳥言其守王官
者與其守屬禁者如蠻隸之事
貉隸掌役服木氏而養獸而教擾之掌與
獸言其守王官者與守屬禁者如蠻隸之

事
布憲掌憲邦之刑禁正月之吉執旌節以
宣布于四方而憲邦之刑禁以詰四方邦
國及其都鄙達四海九國之大事合衆
則以刑禁號令
禁殺戮掌司斬殺戮者凡傷人見血而不
以告者攘獄者過訟者以告而誅之
禁暴氏掌禁庶民之亂暴力正者擣誣犯

禁者作言語而不信者以告而誅之凡國
 聚衆庶則戮其犯禁者以徇凡奚隸聚而
 出入者則司牧之戮其犯禁者
 野廬氏掌達國道路至於四畿比國郊及
 野之道路宿身井樹若有賓客則令守涂
 地之人聚橐之有相翔者誅之凡道路之
 舟車擊交者叙而行之凡有節者及有爵
 者至則為之辟禁野之橫行者徑踰者凡

國之大事此修除道路者掌凡道禁邦之
 大師則令掃道路且以幾禁行作不時者
 不物者
 蜡氏掌除鼂凡國之大祭祀令州里除不
 蠲禁刑者任人及凶服者以及郊野大師
 大賓客亦如之若有死於道路者則令埋
 而置褐焉書其日月焉縣其衣服任器于
 有地之官以待其人掌凡國之鼂禁

雍氏掌溝瀆滄池之禁凡害於國稼者春
令為下阱獲溝瀆之利於民者秋令塞阱杜
獲禁山之為苑澤之沈者
萍氏掌國之水禁幾酒謹酒禁川游者
司寤氏掌夜時以星分夜以詔夜士夜禁
禦晨行者禁夜行者夜游者
司烜氏掌以夫遂取明火於日以鑿取明
水於月以共祭祀之明盞明燭共明水凡

邦之大事共墳燭庭燎中春以木鐸修火
禁于國中軍旅修火禁邦若屋誅則為明
竈焉
條狼氏掌執鞭以趨辟王出入則八人夾
道公則六人侯伯則四人子男則二人凡
誓執鞭以趨於前且命之誓僕右曰殺誓
馭曰車輶誓大夫曰敢不關鞭五百誓師
曰三百誓邦之大史曰殺誓小史曰墨

倭問氏掌比國中宿互擄者與其國粥而
 比其追胥者而賞罰之禁徑踰者與以兵
 革趨行者與馳騁於國中者邦有故則令
 守其間互唯執節者不幾
 冥氏掌設弧張為阱獲以攻猛獸以靈鼓
 毆之若得其獸則獻其皮革齒須備
 庶氏掌除毒蠱以攻說禴之嘉州攻之凡
 毆蠱則令之比之

亢氏掌攻蟄獸各以其物火之以時獻其
 珍異皮革
 翼氏掌攻猛鳥各以其物為媒而擄之以
 時獻其羽翮
 柞氏掌攻草木及林麓夏日至令刊陽木
 而火之冬日至今剥陰木而水之若欲其
 化也則春秋變其水火凡攻木者掌其政
 令

雜氏掌殺草春始生而萌之夏日至而夷
之秋繩而芟之冬日至而耜之若欲其化
也則以水火變之掌九殺草之政令
若菴氏掌覆天鳥之巢以方書十日之號
十有二辰之號十有二月之號十有二歲
之號二十有八星之號縣其巢上則去之
翦氏掌除蠹物以攻祭攻之以莽草薰之
凡庶蠹之事

赤妾氏掌除牆屋以蜃炭攻之以灰酒毒
之凡隙屋除其狸蟲
蠹氏掌去蠹蟲焚牡鞠以灰洒之則死以
其煙被之則凡水蟲無聲
壺涿氏掌除水蟲以炮土之鼓毆之以焚
石投之若欲殺其神則以牡槀午貫象齒
而沈之則其神死淵為陵
庭氏掌射國中之妖鳥若不見其鳥獸則

以救日之弓與救月之矢夜射之若神也
 則以大陰之弓與枉矢射之
 銜救氏掌司囂國之大祭祀令禁無囂軍
 旅田役令銜救禁詔呼歎鳴於國中者行
 歌哭於國中之道者
 伊耆氏掌國之大祭祀共其杖咸軍旅授
 有爵者杖共王之齒杖
 大行人掌大賓之禮及大客之儀以親諸

侯春朝諸侯而圖天下之事秋覲以此邦
 國之功夏宗以陳天下之謨冬遇以協諸
 侯之慮時會以發四方之禁殷同以施天
 下之政時聘以結諸侯之好殷類以除邦
 國之慝間問以諭諸侯之志歸脤以交諸
 侯之福賀慶以贊諸侯之喜致禴以補諸
 侯之裁
 以九儀辨諸侯之命等諸臣之爵以同邦

國之禮而待其賓客上公之禮執桓圭九寸纁藉九寸冕服九章建常九旒樊纓九就貳車九乘介九人禮九年其朝位賓主之間九十步立當車軹擯者五人廟中將幣三享王禮再裸而酢饗禮九獻食禮九舉出入五積三問三勞諸侯之禮執信圭七寸纁藉七寸冕服七章建常七旒樊纓七就貳車七乘介七人禮七牢朝位賓主

之間七十步立當前疾擯者四人廟中將幣三享王禮壹裸而酢饗禮七獻食禮七舉出入四積再問再勞諸伯執躬圭其他皆如諸侯之禮諸子執穀璧五寸纁藉五寸冕服五章建常五旒樊纓五就貳車五乘介五人禮五牢朝位賓主之間五十步立當車軹擯者三人廟中將幣三享王禮壹裸不酢饗禮五獻食禮五舉出入三積

壹問壹勞諸男執蒲璧其他皆如諸子之
禮
凡大國之孤執皮帛以繼小國之君出入
三積不問壹勞朝位當車前不交擯廟中
無相以酒禮之其他皆眡小國之君凡諸
侯之卿其禮各下其君二等以下及其大
夫士亦如之
邦畿方千里其外方五百里謂之侯照歲

一見其貢祀物又其外方五百里謂之甸
服二歲一見其貢嬪物又其外方五百里
謂之男服三歲一見其貢器物又其外方
五百里謂之采服四歲一見其貢服物又
其外方五百里謂之衛服五歲一見其貢
材物又其外方五百里謂之要服六歲一
見其貢貨物九州之外謂之蕃國世一見
各以其所貴寶為贄

王之所以撫邦國諸侯者歲徧存三歲徧
類五歲徧省七歲屬象齊諭言語協辭命
九歲屬瞽史諭書名聽聲音十有一歲達
瑞節同度量成牢禮同數器脩法則十有
二歲王巡守殷國
凡諸侯之王事辨其位正其等協其禮賓
而見之若有大喪則詔相諸侯之禮若有
四方之大事則受其幣聽其辭凡諸侯之

邦交歲相問也殷相聘也世相朝也
小行人掌邦國賓客之禮籍以待四方之
使者令諸侯春入貢秋獻功王親受之各
以其國之籍禮之凡諸侯入王則逆勞于
畿及郊勞既館將幣為牢而擯
凡四方之使者大客則擯小客則受其幣
而聽其辭使適四方協九儀賓客之禮朝
覲宗遇會同君之禮也存類省聘問臣之

禮也。達天下之六節。山國用虎節。土國用
人節。澤國用龍節。皆以金為之。道路用旌
節。門關用符節。都鄙用管節。皆以竹為之。
成六瑞。王用鎮圭。公用桓圭。侯用信圭。伯
用躬圭。子用穀璧。男用蒲璧。合六幣。圭以
馬。璋以皮。璧以帛。琮以錦。琥以繡。璜以黼。
此六物者。以和諸侯之好故。
若國札喪。則令賻補之。若國凶荒。則令賜。

委之。若國師役。則令犒。禴之。若國有福事。
則令慶賀之。若國有禍。則令哀弔之。凡
此五物者。治其事故。及其萬民之利害。為
一書。其禮俗政事。教治刑禁之逆順。為一
書。其悖逆暴亂。作惡猶犯令者。為一書。其
札喪凶荒。厄貧為一書。其康樂和親安平。
為一書。凡此五物者。每國辨異之。以及命
于王。以周知天下之故。

司儀掌九儀之賓客擯相之禮以詔儀容
辭令揖讓之節將合諸侯則令為壇三成
宮旁一門詔王儀南鄉見諸侯士揖庶姓
時揖異姓天揖同姓及其擯之各以其禮
公於上等侯伯於中等子男於下等其將
幣亦如之其禮亦如之王燕則諸侯毛
凡諸侯相為賓主國五積三問皆三辭拜
受皆旅擯再勞三辭三揖登拜受拜送主

君郊勞交擯三辭車逆拜辱三揖三辭拜
受車送三還再拜致館亦如之致殮如致
積之禮及將幣交擯三辭車逆拜辱賓車
進答拜三揖三讓每門止一相及廟唯上
相入賓三揖三讓登再拜受幣賓拜送幣
每事如初賓亦如之及出車送三請三進
再拜賓三還三辭告辭致饗餼還圭饗食
致贈郊送皆如將幣之儀賓之拜禮拜饗

饋拜饗食賓繼主君皆如主國之禮諸侯
諸伯諸子諸男之相為賓也各以其禮相
待也如諸侯之儀
諸公之臣相為國客則三積皆三辭拜受
及大夫郊勞旅擯三辭拜辱三讓登聽命
下拜登受賓使者如初之儀及退拜送致
館如初之儀及將幣旅擯三辭拜逆客辟
三揖每門止一相及廟唯君相入三讓客

登拜客三辟授幣下出每事如初之儀及
禮私而私獻皆再拜替首君答拜出及中
門之外問君客再拜對君拜客辟而對君
問大夫客對君勞客客再拜替首君答拜
客趨辟致饗饋如勞之禮饗食還圭如將
幣之儀君館客客避介受命遂送客從拜
辱于朝明日客拜禮賜遂行如入之積凡
侯伯子男之臣以其國之爵相為客而相

禮其儀亦如之

凡四方之賓客禮儀辭命餼宰賜獻以二等從其爵而上下之凡賓客送逆同禮凡諸侯之交各稱其邦而為之幣以其幣為之禮凡行人之儀不朝不夕不正其主面亦不背客

行夫掌邦國傳遽之小事微患而無禮者凡其使也必以旌節雖道有難而不時必

達居於其國則掌行人之勞辱事焉使則介之

環人掌送逆邦國之通賓客以路節達諸四方舍則授館令聚橐有任器則令環之凡門關無幾送逆及疆象胥掌蠻夷閩貉戎狄之國使掌傳王之言而諭說焉以和親之若以時入賓則協其禮與其辭言傳之凡其出入送逆之禮

節幣帛辭令而賓相之凡國之大喪詔相
國客之禮義而正其位凡軍旅會同受國
客幣而賓禮之凡作事王之大事諸侯次
事卿次事大夫次事上士下事庶子
掌客掌四方賓客之牢禮餼獻飲食之等
數與其政治王合諸侯而饗禮則具十有
二牢庶具百物備諸侯長十有再獻王巡
守殷國則國君膳以牲犢合百官百姓皆

具從者三公眡上公之禮卿視侯伯之禮
大夫眡子男之禮士眡諸侯之卿禮庶子
壹眡其大夫之禮
凡諸侯之禮上公五積皆眡饗奉三問皆
脩羣介行人宰史皆有牢饗五牢食四十
簋十豆四十鉶四十有二壺四十鼎簋十
有二腥三十有六皆陳饗餼九牢其死牢
如饗之陳奉四牢米百有二十甞醢醢百

有二十甕車皆陳車米_カ生_ラ牢_ニ牢_ニ十車車_{コト}
乘有五_ホ數車禾_ニ眠_フ死_ニ牢_ニ牢_ニ十車車_{コト}三_ニ秬_ニ芻_ニ
薪_ハ倍_レ禾_ニ皆_レ陳_ヌ乘_レ禽_日九_ニ十_ニ雙_レ殷_膳大_牢以_テ
及_ホ歸_ニ三_ニ饗_ニ三_ニ食_ニ三_ニ燕_ニ若_弗酌_則以_テ幣_致之_ラ
凡_ソ介_レ行人_宰史_皆有_レ饗_饗餼_以其_爵等_為
之_牢禮_之陳_數唯_上介_有禽_獸夫_人致_禮
八_壺八_豆八_籩膳_大牢_致饗_大牢_食大_牢
卿_皆見_以羔_膳大_牢
卿_皆見_以羔_膳大_牢

侯_伯四_積皆_眠餐_奉再_問皆_脩餐_四牢_食
三十_有二_簋八_豆三十_有二_釶二十_有八_壺
三十_有二_鼎簋_十有_二腥_{二十}有_七皆_陳
饗_餼七_牢其_死牢_如餐_之陳_奉三_牢米_百
百_官醢_醢百_甕皆_陳米_{三十}車_禾四_十車_芻
芻_薪倍_禾皆_陳乘_禽日_{七十}雙_殷膳_大牢_三
三_饗再_食再_燕凡_介行人_宰史_皆有_レ饗_饗餼_以
餼_以其_爵等_為之_禮唯_上介_有禽_獸夫_人

致禮八壺八豆八籩膳大牢致饗大牢卿
皆見以羔膳特牛
子男三積皆膳餐牽壹問以脩餐三牢食
二十有四簋六豆二十有四釧十有八壺
二十有四鼎簋十有二牲十有八皆陳饗
籩五牢其死牢如餐之陳牽二牢米八十
官醢醢八十壘皆陳米二十車禾三十車
芻薪倍禾皆陳乘禽日五十雙壹饗壹食

壹燕凡介行人宰史皆有饗饗籩以其爵
等為之禮唯上介有禽獻夫人致禮六壺
六豆六籩膳膳致饗親見卿皆膳特牛
凡諸侯之卿大夫士為國客則如其介之
禮以待之凡禮賓客國新殺禮凶荒殺禮
札喪殺禮禍裁殺禮在野在外殺禮凡賓
客死致禮以喪用賓客有喪唯芻稍之受
遭主國之喪不受饗食受牲禮

掌訝掌邦國之等籍以待賓客若將有國
 賓客至則戒官修委積與士逆賓于疆為
 前驅而入及宿則令聚橐及委則致積至
 于國賓入館次于舍門外待事于客及將
 幣為前驅至于朝詔其位入復及退亦如
 之凡賓客之治令訝訝治之凡從者出則
 使入道之及歸送亦如之凡賓客諸侯有
 卿訝卿有大夫訝大夫有士訝士皆有訝

凡訝者賓客至而往詔相其事而掌其治
 令
 掌交掌以節與幣巡邦國之諸侯及萬民
 之所聚者道王之德意志慮使咸知王之
 好惡辟行之使和諸侯之好達萬民之說
 掌邦國之通事而結其交好以諭九稅之
 利九禮之親九牧之維九禁之難九戎之
 威

故

掌察關

掌貨賄關

朝大夫掌都家之國治日朝以聽國事好以告其君長國有政令則令其朝大夫凡都家之治於國者必因其朝大夫然後聽之唯大事不用凡都家之治有不及者則誅其朝大夫在軍旅則誅其有司都則關

都士關

家士關

司禮

考工記之屬三十有二
 凡一器者必象一官，一官必象一器。故一器而工聚者，以象其事也。一器而材聚者，以象其材也。一器而材聚者，以象其材也。一器而材聚者，以象其材也。

考工之屬三十有二

輪人 鑄輪人 其輿人 鑄輿人 其檠人 檠人 檠人 檠人
 冶氏 治桃氏 治鳧氏 治象氏 治段氏 治段氏 治段氏
 函氏 函鮑人 函韞人 函韞人 函韞人 函韞人 函韞人
 畫績 畫鐘氏 畫篋人 畫篋人 畫篋人 畫篋人 畫篋人
 拂人 關雕人 關磬人 關磬人 關磬人 關磬人 關磬人
 旄人 梓人 廬人 匠人 車人

考工記

卷之六

車人 弓人

簋人

豆人

車人

燕人 甸人 采人 衛人

甸人

甸人

右考工之屬三十有二而闕其六其三十有二者非官也特工人之號耳工人各以其所治而屬號舉其號而所治之藝隨之闕其六者歲久而亡也不盡亡者劉氏之力也

考工記

周禮

考工記

國有六職百工與居一焉或坐而論道或作而行之或審曲面勢以飭五材以辨民器或通四方之珍異以資之或飭力以長地財或治絲麻以成之坐而論道謂之三公作而行之謂之士大夫審曲面勢以飭五材以辨民器謂之百工通四方之珍異

以資之謂之商旅飭力以長地財謂之農
夫治絲麻以成之謂之婦功
粵無鑄燕無函秦無廬胡無弓車粵之無
鑄也非無鑄也夫人而能為鑄也燕之無
函也非無函也夫人而能為函也秦之無
廬也非無廬也夫人而能為廬也胡之無
弓車也非無弓車也夫人而能為弓車也
知者創物巧者述之守之世謂之工百工

之事皆聖人之作也燻金以為丹凝土以
為器作車以行陸作舟以行水此皆聖人
之所作也天有時地有氣材有美工有巧
合此四者然後可以為良材美工巧然而
不良則不時不得地氣也橘踰淮而北為
枳鸚鵡不踰濟貉踰汶則死此地氣然也
鄭之刀宋之介魯之削吳粵之劍遷乎其
地而弗能為良地氣然也燕之角荆之幹

姁胡之笥吳粵之金錫此材之美者也天
有時以生有時以殺草木有時以生有時
以死石有時以泐水有時以凝有時以澤
此天時也
九攻木之工七攻金之工六攻皮之工五
設色之工五刮摩之工五搏埴之工二攻
木之工輪輿弓廬匠車梓攻金之工築冶
皂藥段挑攻皮之工函鮑鞞韋裘設色之

工畫績鐘篚筐刮摩之工玉棉雕矢磬搏
埴之工陶甄
有虞氏上陶夏后氏上匠殷人上梓周人
上輿
故一器而工聚焉者車為多車有六等之
數車輪四尺謂之一等戈柶六尺有六寸
既建而迤崇於輪四尺謂之二等人長八
尺崇於戈四尺謂之三等及長尋有四尺

崇於人四尺謂之四等車戰常崇於父四尺謂之五等魚矛常有四尺崇於戰四尺謂之六等車謂之六等之數
凡察車之道必自載於地者始也是故察車自輪始凡察車之道欲其樸屬而微至不樸屬無以為完久也不微至無以為疾速也輪已崇則人不能登也輪已庫則於馬終古登地也故兵車之輪六尺有六寸

田車之輪六尺有三寸乘車之輪六尺有六寸六尺有六寸之輪軹崇三尺有三寸也加軹與鞮焉四尺也人長八尺登下以為節
輪人為輪斬三材必以其時三材既具巧者和之轂也者以為利轉也輻也者以為直指也牙也者以為固抱也輪敝三材不失職謂之完望而眡其輪欲其慎爾而下

也也進而眠之欲其微至也無所取之取
諸國也望其輻欲其斲爾而織也進而眠
之欲其肉稱也無所取之取諸易直也望
其轂欲其眼也進而眠之欲其情之廉也
無所取之取諸急也眠其綆欲其蚤之正
也察其蓄蚤不輟則輪雖敝不匡
凡斬轂之道必知其陰陽陽也者積理而
堅陰也者疏理而柔是故以火養其陰而

齊諸其陽則轂雖敝不蔽轂小而長則
大而短則鞳是故六分其輪崇以其一為
之牙圍三分其牙圍而漆其二棹其漆內
而中誣之以為之轂長以其長為之圍以
其圍之功稍其數五分其轂之長去一以
為賢去三以為軹容轂必直陳篆必正施
膠必厚施筋必數憐必負幹既摩革色青
白謂之轂之善

參分其轂長二在外一在內以置其輻凡
輻量其鑿深以為輻廣輻廣而鑿淺則是
以大机雖有良工莫之能固鑿深而輻小
則是固有餘而強不足也故竝其輻廣以
為之弱則雖有重任轂不折三分其輻之
長而殺其一則雖有深泥亦弗之濂也參
分其股圍去一以為股圍揉輻必齊平沈
必均直以指牙牙得則無繫而固不得則

有繫必足見也
六尺有六寸之輪纒參分寸之二謂之輪
之固
凡為輪行澤者欲杼行山者欲杼行以行
澤則是刀以割塗也是故塗不附係以行
山則是搏以行石也是故輪雖敝不類於
鑿凡揉牙外不濂而內不挫旁不腫謂之
用火之善

是故規之以眡其圜也。萬之以眡其匡也。縣之以眡其幅之直也。水之以眡其平沈之均也。量其數以忝以眡其同也。權之以眡其輕重之侔也。故可規可萬可水可縣可量可權謂之國工。輪人為蓋，達常圍三寸，程圍倍之六寸，信其程圍以為部，廣部廣六寸，部長二尺，程長倍之四尺者，二十分寸之一，謂之枚部。

尊一枚，弓鑿廣四枚，鑿上二枚，鑿下四枚，鑿深二寸有半，下直二枚，鑿端一枚，弓長六尺，謂之庇軼，五尺謂之庇輪，四尺謂之庇軼，三分弓長而操其一，三分其股圍去一，以為蚤圍，三分弓長，以其一為之尊上，欲尊而宇，欲卑上尊而宇，卑則吐水疾而雷遠，蓋已崇則難為門也，蓋已卑是蔽目也，是故蓋崇十尺，良蓋弗冒，弗紘，殷

敵而馳不隊謂之國士
輿人為車輪崇車廣衡長參如一謂之參
稱參分車廣去一以為隧參分其隧一在
前二在後以採其式以其廣之半為之式
崇以其隧之半為之較崇六分其廣以一
為之較圍參分較圍去一以為式圍參分
式圍去一以為較圍參分較圍去一以為
軌圍參分軌圍去一以為軌圍圍者中規

方者中矩立者中縣衡者中水直者如生
焉繼者如附焉凡居持大與小無併大倚
小則摧引之則絕棧車欲弇飾車欲侈
輞人為輞輞有三度軸有三理國馬之輞
深四尺有七寸田馬之輞深四尺駕馬之
輞深三尺有三寸軸有三理一者以為媿
也二者以為久也三者以為利也軌前十
尺而策半之凡任木任正者十分其輞之

長以其一為之圍衡任者五分其長以其
 一為之圍小於度謂之無任五分其較間
 以其一為之軸圍十分其軸之長以其一
 為之常曳之圍參分其免圍去一以為頸
 圍五分其頸圍去一以為踵圍
 凡操軸欲其孫而無弧深令夫大車之較
 執其登又難既克其登其覆軍也必易此
 無故惟較直且無撓也是故大車平地既

節斬執之任及其登也其較必縱其
 牛此無故唯較直且無撓也故登也者倍
 任者也猶能以登及其下也也不援其
 必緇其牛後此無故唯較直且無撓也是
 故軸欲傾典軸深則折淺則負軸注則利
 準利準則久和則安軸欲弧而無折經而
 無絕進則與馬謀退則與人謀終日馳騁
 左不捷行數千里馬不契需終歲御衣在

不敝此唯輶之和也勸登馬力馬力既竭
輶猶能一取焉良輶環濶自伏兔不至軌
七寸軌中有濶謂之國輶
輶之方也以象地也蓋之圜也以象天也
輪輻三十以象日月也蓋弓二十有八以
象星也龍旂九游以象大火也鳥旗七游
以象鶉火也熊旂六游以象伐也龜蛇四
游以象營室也弧旌枉矢以象弧也

攻金之工築氏執下齊冶氏執上齊鼻氏
為聲鼻氏為量段氏為鑄器桃氏為牙金
有六齊六分其金而錫居一謂之鐘鼎之
齊五分其金而錫居一謂之斧斤之齊四
分其金而錫居一謂之戈戟之齊三分其
金而錫居一謂之太刃之齊五分其金而
錫居二謂之削殺矢之齊金錫半謂之鑿
燧之齊

葉氏為削長尺博寸合六而成規欲新而
 無窮敝盡而無惡
 治氏為殺矢刃長寸圍寸銑十之重三坑
 戈廣二寸內倍之胡三之援四之已倨則
 不入已句則不決長內則折前短內則不
 疾是故倨句外博重三銑戟廣寸有半寸
 內三之胡四之援五之倨句中矩與刺重
 三銑

桃氏為劔臑廣二寸有半寸兩從半之
 其臑廣為之莖圍長倍之中其莖設其後
 參分其臑廣去一以為首廣而圍之身長
 五其莖長重九銑謂之上制上士服之身
 長四其莖長重七銑謂之中制中士服之
 身長三其莖長重五銑謂之下制下士服
 之
 鳧氏為鐘兩欒謂之銑銑間謂之于于上

謂之鼓鼓上謂之鈺鈺上謂之舞舞上謂
 之甬甬上謂之衡鐘縣謂之旋旋蟲謂之
 幹鐘帶謂之篆篆間謂之枚枚謂之景于
 上之擗謂之隧ツク十分其鈺去二以爲鈺以其鈺爲之鈺間
 去二分以爲之鼓間以其鼓間爲之舞修
 去二分以爲舞廣以其鈺之長爲之甬長
 以其甬長爲之圍參分其圍去一以爲衡

圍參分其甬長二在上一在下以設其旋
 薄厚之所震動清濁之所由出侈弇之所
 由興有說鐘已厚則石已薄則播侈則柞
 弇則欒長甬則震是故大鐘十分其鼓間
 以其一爲之厚小鐘十分其鈺間以其一
 爲之厚鐘大而短則其聲疾而短聞鐘小
 而長則其聲舒而遠聞爲遂六分其厚以
 其一爲之深而圍之

泉氏為量改煎金錫則不耗不耗然後權
之權之然後準之準之然後量之量之以
為鹵深尺內方尺而圍其外其實一鹵其
鬻一寸其實一豆其耳三寸其實一升重
一鈞其聲中黃鐘之宮樂而不稅其銘曰
時文思索允臻其極嘉量既成以觀四國
永啓厥後茲器維則凡鑄金之狀金與錫
黑濁之氣竭黃白次之黃白之氣竭青白

次之青白之氣竭青紫次之然後可鑄也

段氏闕

巫人為甲犀甲七屬兕甲六屬合甲五屬
犀甲壽百年兕甲壽二百年合甲壽三百
年凡為甲必先為容然後制革權其上旅
與其下旅而重若一以其長為之圍凡甲
鍛不摯則不堅已敝則撓凡察甲之道
其鑽空欲其密也眠其裏欲其易也眠其

朕欲其直也橐之欲其約也舉而眡之欲
 其豐也衣之欲其無斷也眡其鑽空而窓
 則革堅也眡其裏而易則材更也眡其朕
 而直則制善也橐之而約則周也舉之而
 豐則明也衣之無斷則變也
 鮑人之事望而眡之欲其茶白也進而握
 之欲其柔而滑也寒而搏之欲其無也
 眡其著欲其淺也察其線欲其藏也革欲

其茶白而疾澣之則堅欲其柔滑而臆脂
 之則需引而信之欲其直也信之而直則
 取材正也信之而枉則是一方緩一方急
 也若苟一方緩一方急則及其用之也必
 自其急者先裂若苟自急者先裂則是以
 搏為棧也寒而搏之而不也則厚薄序也
 眡其著而淺則革信也察其線而藏則雖
 敝不甌

鞞人為臯陶長六尺有六寸左右端廣六寸中尺厚三寸穹者三之一上三正鼓長八尺鼓四尺中圍加三之一謂之鼗鼓為臯鼓長尋有四尺鼓四尺倨句磬折凡目鼓必以啓蟄之日良鼓瑕如積環鼓大而短則其聲疾而短聞鼓小而長則其聲舒而遠聞

韋氏闕

裘氏闕
畫纘之事雜五色東方謂之青南方謂之赤西方謂之白北方謂之黑天謂之玄地謂之黃青與白相次也赤與黑相次也玄與黃相次也青與赤謂之文赤與白謂之章白與黑謂之黼黑與青謂之黻五采備謂之繡土以黃其象方天時變火以圜山以章水以龍鳥獸蛇雜四時五色之位以

章之謂之巧凡畫績之事後素功
鍾氏深羽以朱湛丹秫三月而熾之淳而
漬之三人為纁五人為緹七人為緇
篚人闕
曠氏凍絲以沬水漚其絲七日去地尺暴
之晝暴諸日夜宿諸井七日七夜是謂水
凍凍帛以攔為灰渥淳其帛實諸澤器淫
之以蠶清其灰而盪之而揮之而沃之而

盪之而塗之而宿之明日沃而盪之晝暴
百夜宿諸井七日七夜是謂水凍
王人之事鎮圭尺有二寸天子守之命圭
九寸謂之桓圭公守之命圭七寸謂之信
圭侯守之命圭七寸謂之躬圭伯守之天
子執冒四寸以朝諸侯天子用全上公用
龍侯用瓚伯用將繼子男執皮帛天子圭
中必四圭尺有二寸以祀天大圭長三尺

禘上終葵首天子服之土圭尺有五寸以
致日以土地裸圭尺有二寸有瓚以祀廟
琬圭九寸而櫜以象德琰圭九寸判規以
除憲以易行
璧羨度尺好三寸以為度圭璧五寸以祀
日月星辰璧琮九寸諸侯以享天子穀圭
七寸天子以聘女太璋中璋九寸邊璋七
寸射四寸厚寸黃金勺青金外朱中鼻寸

衡四寸有縹天子以俎守宗祝以前為木
璋亦如之諸侯以聘女瑑圭璋八寸璧琮
八寸以頌聘牙璋中璋七寸射二寸厚寸
以起軍旅以治兵守駟琮五寸宗后以為
權大琮十有二寸射四寸厚寸是謂內鎮
宗后守之駟琮七寸鼻寸有半寸天子以
為權兩圭五寸有邸以祀地以旅四瑑瑑
琮八寸諸侯以享夫人案十有二寸棗棗

十有二列諸侯純九大夫純五夫人以勞
諸侯璋射素功以祀山川以致稍餼

櫛人闕

雕人闕

磬人為磬倨句一矩有半其博為一股為

三鼓為三參分其股博去一以為鼓博參

分其鼓博以其一為之厚已上則摩其旁

已下則摩其端

矢人為矢鏃矢三分蒂矢三分一在前二
在後兵矢田矢五分二在前三在後殺矢
七分三在前四在後三分其長而殺其一
五分其長而羽其一以其箭厚為之羽深
水之以辨其陰陽夾其陰陽以設其比夾
其比以設其羽三分其羽以設其羽則雖
有疾風亦弗之能彈矣又長寸圍寸銜十
之重三垓前弱則俛後弱則翔中弱則紆

中強則揚羽豐則遲羽殺則越是故夾而
搖之以貶其豐殺之節也撓之以貶其鴻
殺之稱也凡相竒欲生而搏同搏欲重同
重節欲既同既欲臬
陶人為甌實二鬴厚半寸脣寸盆實二鬴
厚半寸脣寸甑實二鬴厚半寸脣寸七穿
鬲實五穀厚半寸脣寸甗實二穀厚半寸
脣寸

旒人為蓋實一穀崇尺厚半寸脣寸豆實
三而成穀崇尺凡陶旒之事髻墜薛暴不
入市器中膊豆中縣膊崇四尺方四寸
梓人為筍簾天下之大獸五脂者膏者羸
者羽者鱗者宗廟之事脂者膏者以為牲
羸者羽者鱗者以為筍簾外骨內骨卻行
不行連行紆行以脰鳴者以注鳴者以旁
鳴者以翼鳴者以股鳴者以胷鳴者謂之

小虫之屬以為厥琢

厚脣鼻口出目短耳大骨耀後大體短脰

若是者謂之羸屬恒有力而不能走其聲

大而宏有力而不能走則於任重宜聲大

而宏則於鐘宜若是者以為鐘簾是故擊

其所懸而由其簾鳴銳喙决吻數目顧脰

小體騫腹若是者謂之羽屬恒無力而輕

其聲清揚而遠聞無力而輕則於任輕宜

其聲清揚而遠聞於磬宜若是者以為磬

簾故擊其所懸而由其簾鳴小首而長搏

身而鴻若是者謂之鱗屬以為筍

凡攬新援簞之類必深其爪出其目作其

鱗之而深其爪出其目作其鱗之而則於

眠必撥爾而怒苟撥爾而怒則於任重宜

且其匪色必似鳴矣爪不深目不出鱗之

而不作則必類爾如委矣苟類爾如委則

加任焉則必如將廢措其匪色必似不鳴
 矣
 梓人為飲器勺一升爵一升觚三升獻以
 爵而酬以觚一獻而三酬則一豆矣食一
 豆肉飲一豆酒中人之食也凡試梓飲器
 鄉衡而實不盡梓人罪之
 梓人為侯廣與崇方三分其廣而鵠居一
 焉上兩個與其身三下兩個半之上網與

下網出舌尋纒寸焉張皮侯而棲鵠則春
 以功張五采之侯則遠國屬張獸侯則王
 以息燕祭侯之禮以酒脯醢其辭曰惟若
 寧侯毋或若女不寧侯不屬于王所故抗
 而射女強飲強食詒女曾孫諸侯百福
 廬人為廬器戈柶六尺有六寸父長尋有
 四尺車戟常備矛常有四尺夷矛三尋九
 兵無過三其身過三其身弗能用也而無

禮記

卷之

已又^ハ以^テ害^ス人^ヲ故^ニ攻^ム國^ノ之^ノ兵^ハ欲^ス短^ク守^ル國^ノ之^ノ兵^ハ
欲^ス長^ク攻^ム國^ノ之^ノ人^ハ衆^ク行^ク地^ハ遠^ク食^ハ飲^ハ饑^ム且^ツ涉^ル山^ノ
林^ノ之^ノ阻^ハ是^レ故^ニ兵^ハ欲^ス短^ク守^ル國^ノ之^ノ人^ハ寡^ク食^ハ飲^ハ飽^ム
行^ク地^ハ不^レ遠^ク且^ツ不^レ涉^ル山^ノ川^ノ之^ノ阻^ハ是^レ故^ニ兵^ハ欲^ス長^ク
凡^ソ兵^ハ向^テ兵^ヲ欲^ス無^ク彈^ヲ刺^ス兵^ハ欲^ス無^ク蝟^ヲ是^レ故^ニ向^テ兵^ヲ
捍^ル刺^ス兵^ハ搏^テ數^ノ兵^ヲ同^ク強^ク舉^グ圍^ム欲^ス細^ク細^ク則^チ校^シ刺^ス
兵^ハ同^ク強^ク舉^グ圍^ム欲^ス重^ク重^ク得^テ傳^フ人^ヲ傳^フ又^ハ則^チ密^ニ是^レ
故^ニ侵^ム之^ヲ

凡^ソ為^ル及^テ五^ニ分^ス其^ノ長^ヲ以^テ其^ノ一^ヲ為^ル之^ノ被^テ而^テ圍^ム之^ヲ
參^ニ分^ス其^ノ圍^ヲ去^レ一^ヲ以^テ為^ル晉^ノ圍^ム五^ニ分^ス其^ノ晉^ノ圍^ヲ去^レ
一^ヲ以^テ為^ル首^ノ圍^ム凡^ソ為^ル首^ノ參^ニ分^ス其^ノ長^ヲ二^ハ在^リ前^ニ
一^ハ在^リ後^ニ而^テ圍^ム之^ヲ五^ニ分^ス其^ノ圍^ヲ去^レ一^ヲ以^テ為^ル晉^ノ圍^ム
參^ニ分^ス其^ノ晉^ノ圍^ヲ去^レ一^ヲ以^テ為^ル刺^ス圍^ム凡^ソ試^シ廬^ノ事^ヲ置^ク
而^テ搖^ク之^ヲ以^テ眠^ル其^ノ蝟^ヲ炙^ル諸^ノ牆^ヲ以^テ眠^ル其^ノ撓^ヲ之^ヲ均^ク
也^ハ橫^ク而^テ搖^ク之^ヲ以^テ眠^ル其^ノ勁^ヲ也^ハ六^ニ建^ス既^ニ備^ス車^ヲ不^レ
及^テ覆^フ謂^フ之^ヲ國^ノ六^ニ

匠人建國水地以縣置槩以縣臆以景為
 規識日出之景與日入之景畫參諸日中
 之景夜考之極星以正朝夕
 匠人營國方九里旁三門國中九經九緯
 經涂九軌左祖右社面朝後市市朝一夫
 夏后氏世室堂修二七廣四修一五室三
 四步四三尺九階四旁兩夾窗白盛門堂
 三之二室三之一般人重屋堂修七尋堂

崇三尺四阿重屋周人明堂度九尺之筵
 東西九筵南北七筵堂崇一筵五室九室
 二筵
 室中度以几堂上度以筵官中度以尋野
 度以步涂度以軌廟門容大高七個闈門
 容小高三个路門不容乘車之五个應門
 二徹三个内有九室九嬪居之外有九室
 九卿朝焉九分其國以為九分九卿治之

王宮門阿之制五雉官隅之制七雉城隅之制九雉經涂九軌環涂七軌野涂五軌門阿之制以為都城之制官隅之制以為諸侯之城制環涂以為諸侯經涂野涂以為都經涂

直人為溝洫耜廣五寸二耜為耦一耦之伐廣尺深尺謂之畹田首倍之廣二尺深二尺謂之遂九夫為井井間廣四尺深四

尺謂之溝方十里為成成間廣八尺深八尺謂之洫方百里為同同間廣二尋深二仞謂之澮專達於川各載其名

凡天下之地勢兩山之間必有川焉大川之上必有涂焉凡溝逆地功謂之不行水屬不理孫謂之不行稍溝三十里而廣倍凡行奠水磬折以參五欲為洲則句於矩凡溝必因水執防必因地執善溝者水漱

之善防者水濘之凡為防廣與崇方其網
 三分去一大防外網九溝防必一日先深
 之以為式里為式然後可以傳衆力凡任
 索約大汲其版謂之無任葺屋參分瓦屋
 四分困窮倉城逆牆六分堂茶十有二分
 竇其崇三尺牆厚三尺崇三之
 車人之事半矩謂之宜一宜有半謂之橋
 一橋有半謂之柯一柯有半謂之磬折

車人為耒砭長尺有一寸中直者三尺有
 三寸上句者二尺有二寸自其砭緣其外
 以至於首以強其內六尺有六寸與步相
 中也堅地欲直砭柔地欲句砭直砭則利
 推句砭則利發倨句磬折謂之中地
 車人為車柯長三尺博三寸厚一寸有半
 五分其長以其一為之首轂長半柯其圍
 一柯有半輻長一柯有半其博三寸厚三

之一渠三柯者三行澤者欲短轂行山者
欲長轂短轂則利長轂則安行澤者及輮
行山者及輮及輮則易及輮則完
六分其輪崇以其一為牙圍柏車轂長一
柯其圍二柯其輻一柯其渠二柯者三五
分其輪崇以其一為之牙圍大車崇三柯
綆寸牝服二柯有參分柯之二半車二柯
有三分柯之一柏車二柯九為輮三其輪

崇三分其長二在前一在後以鑿其鉤徹
廣六尺高長六尺
弓人為弓取六材必以其時六材既聚巧
者和之幹也者以為遠也角者以為疾也
筋也者以為深也膠也者以為和也絲也
者以為固也漆也者以為受霜露也
凡取幹之道七柘為上櫨次之檠桑次之
橘次之木瓜次之荊次之竹為下凡相幹

欲赤黑而陽聲赤黑則細心陽聲則遠根
凡折幹射遠者用執射深者用直居幹之
道蒲粟不也則弓不發凡相角秋稠者厚
春稠者薄穉牛之角直而澤老牛之角紆
而昔疾疾險中瘠牛之角無澤角欲青白
而豐末夫角之本處於剝而休於氣是故
柔柔故欲其執也白也者執之徵也夫角
之中恒當弓之畏畏也者必橈橈故欲其

堅也青也者堅之徵也夫角之末遠於剝
而不休於氣是故脆脆故欲其柔也豐末
也者柔之徵也角長二尺有五寸三色不
失理謂之牛戴牛凡相膠欲朱色而昔昔
也者深瑕而澤紆而搏廉鹿膠青白馬膠
赤白牛膠火赤鼠膠黑魚膠餌犀膠黃凡
眠之類不能方凡相筋欲小筋而長大結
而澤小筋而長大結而澤則其為獸必栗

以為弓則豈異於其獸筋欲敝之敝漆欲
測絲欲沈得此六材之全然後可以為良
凡為弓冬折幹而春液角夏治筋秋合三
材寒奠體水折瀆冬折幹則易春液角則
合夏治筋則不煩秋合三材則合寒奠體
則張不流水折瀆則審環春被弦則一年
之事
折幹必倫折角無邪斷目必茶斷自不茶

則及其大修也筋代之受病夫目也者必
強強者在內而摩其筋夫筋之所由恒
由此作故角三液而幹再液厚其帛則木
堅薄其帛則需是故厚其液而節其帛約
之不首約疏數必侷斷擊必中膠之必均
斲擊不中膠之不均則及其大修角代之
受病夫懷膠於內而摩其角夫角之所由
挫恒由此作凡居角長者以次需恒角而

短是謂逆撓引之則縱釋之則不校恒角
而達譬如終紕非弓之利也今夫菱解中
有變焉故校於挺臂中有拊焉故剝恒角
而達引如終紕非弓之利橋幹欲熟於火
而無贏橋角欲熟於火無燂引筋欲盡而
無傷其力鬻膠欲熟而水火相得也然則
居旱亦不動居濕亦不動苟有賤工必因
角幹之濕以為之柔善者在外動者在內

雖善於外必動於內雖善亦弗可以為良
矣
允為弓方其峻而高其柎長其畏而薄其
敝宛之無已應下柎之弓末應將興為柎
而發必動於綢弓而羽綢末應將發弓有
六材焉維幹強之張如流水維體防之引
之中參維角定之欲宛而無負弦引之如
環釋之無失體如環材美工巧為之時謂

之參均角不勝幹幹不勝筋謂之參均量
其力有三均均者三謂之九和九和之弓
角與幹權筋三倅膠三鈔絲三郎漆三與
上工以有餘下工以不足
為天子之弓合九而成規為諸侯之弓合
七而成規大夫之弓合五而成規士之弓
合三而成規弓長六尺有六寸謂之上制
上士服之弓長六尺有三寸謂之中制中

士服之弓長六尺謂之下制下士服之
九為弓各因其君之躬志慮血氣豐肉而
短寬緩以荼若是者為之危弓危弓為之
安矢骨直以立念執以奔若是者為之安
弓安弓為之危矢其人安其弓安其矢安
則莫能以速中且不深其人危其弓危其
矢危則莫能以息中往體多來體寡謂之
夾庾之屬利射侯與弋往體寡來體多謂

之王弓之屬利射革與質往體來體若一
 謂之唐弓之屬利射深大和無濇其次筋
 骨皆有濇而深其次有濇而疎其次角無
 濇合濇若背丰文角環濇牛筋蕢濇麋筋
 疥蠟濇和弓擊摩覆之而角至謂之句弓
 覆之而幹至謂之侯弓覆之而筋至謂之
 深弓

周禮考工記終

周公攝政制禮樂官得其
 人任稱其職於是六典以
 叙周禮是也故儒先有言
 周禮者周公天理熟爛之
 書也善用則太平可以馴
 致矣若新室用之以為篡
 竊熙寧用之以為苛法人

實有咎書何咎之有哉讀
者其精詳焉近代讀者鮮
矣余嘗塗朱墨以截于塾
今周哲生加之訓點苟不
自是來就余質正不亦奇
乎或有起予者或有竄定
者他日更校讎庶乎可也

哲生者大江參議甲列牧
君之家人也牧君成人之
美故勸而教之其意蓋欲
國家官職能得其人益延
治平於無窮者是亦可貴
也遂跋

寬永九年冬十一月

實者亦必其
 文類卷戶部
 錦法印道春
 者復也
 詳悉近代
 諸書
 或采者殊
 難亦長亦
 國者皆
 難入益
 美故也
 巨發之
 其意
 盡於
 者亦
 者人
 力故
 皆人
 實者
 大以
 參
 籍
 甲
 修
 也

